

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE, KOMUNALNO-STAMBENE  
I POSLOVE MJESNIH ZAJEDNICA

Broj: 03-05-1633/19  
Lukavac, 26.03.2019. godine

Na osnovu člana 69. stav (2). tačka d), člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14) i preporuke Komisije za provođenje postupka javne nabavke broj: 03-05-1633/19 od 22.03.2019.godine u otvorenom postupku javne nabavke radova za izgradnju spomen obilježja u MZ Puračić, u skladu sa tačkom 1. Rješenja o ovlaštenju broj: 02-05-1056/19 od 29.01.2019. godine, Pomoćnik općinskog načelnika, d o n o s i

### **O D L U K U** **o poništenju postupka javne nabavke**

#### **Član 1.**

Poništava se postupak javne nabavke za izgradnju spomen obilježja u MZ Puračić, iz razloga što primljena ponuda nije prihvatljiva.

#### **Član 2.**

Odluka će biti objavljena na web-stranici ugovornog organa ([www.lukavac.ba](http://www.lukavac.ba)), u skladu sa članom 70. stav 6. Zakona o javnim nabavkama.

#### **Član 3.**

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

#### **O b r a z l o ž e n j e:**

Postupak javne nabavke pokrenut je Odlukom o pokretanju postupka javne nabavke broj: 03-02-1-1623/19 od 15.02.2019.godine.

Javna nabavka sprovedena je otvorenim postupkom nabavke.

Procijenjena vrijednost javne nabavke bez PDV-a je 29.914,00 KM.

Obavještenje o nabavci broj: 719-1-3-4-3-25/19 objavljeno je na Portalu javnih nabavki dana 18.02.2019.godine i Ispravka obavještenja o nabavci broj: 719-1-3-4-8-34/19 objavljeno na portalu javnih nabavki dana 28.02.2019.godine.

Komisija za provođenje postupka javne nabavke imenovana Rješenjem broj: 02-05-1911/19 od 25.02.2019.godine i Rješenjem o izmjeni rješenja broj: 02-05-1911/19-1 od 08.03.2019.godine, dostavila je ugovornom organu, Pomoćniku općinskog načelnika Službe za investicije, komunalno-stambene i poslove mjesnih zajednica, Zapisnik o pregledu i ocjeni ponuda broj: 03-05-1633/19 od 22.03.2019.godine, Preporuku o poništenju postupka broj: 03-05-1633/19 od 22.03.2019.godine i Izvještaj o radu broj: 03-05-1633/19 od 22.03.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je ponuda ponuđača „ Kristal“ d.o.o. Živinice nije kvalifikovana i prihvatljiva, iz razloga što nisu dostavili dokaz tražen tenderskom dokumentacijom.

Naime tenderskom dokumentacijom kao dokaz o ispunjavanju uslova ekonomske i finansijske sposobnosti traženo je da se dostavi obična kopija poslovne banke ponuđača da njegov transakcijski račun u posljednjih šest mjeseci nije bio blokiran, više od sedam

dana neprekidno te ne više od petnaest dana ukupno, računajući od datuma izdavanja potvrde.

Ponuđač nije dostavio dokaz da njegov transakcijski račun nije bio blokiran u periodu od 03.11.2018. godine do 31.12.2018. godine i time su se stekli zakonski uslovi za poništavanje postupka javne nabavke.

Iz navedenog razloga, primjenom člana 69. stav (2) tačka d) Zakona o javnim nabavkama, člana 25., člana 70. stavovi (1), (4) i (6) Zakona o javnim nabavkama („Sl. glasnik BiH“, broj: 39/14), riješeno je kao u članu 1. dispozitiva Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se podnosi putem ugovornog organa, u pisanoj formi direktno ili preporučeno poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi, Filijala Mostar. Žalba se podnosi u najmanje 3 (tri) primjerka.

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA

Mirela Bubić, dipl. pravnik



**Dostaviti:**

1. „Kristal“ d.o.o. Živinice
2. Evidenciji i
3. Arhivi.-